

3) Պժտագրական (գրաֆիկ) ներկայացման համար աշակերտն իր ձեռքի տակ պէտք է ունենայ մի քանոն՝ մի երեսը մետրային միւսը արշինի բաժանումներով, մի անկիւնաչափ (փայտէ ուղանկիւն եռանկիւնի), մի տրանսպորտէր և մի կարկին:

4) Մի յատուկ նախապատրաստական իրազննական ընթացքի պէտքութիւն չկայ, որովհետեւ ձեռագիրտութիւնը իր ամբողջ ընթացքում իրազննարար է աւանդուելու:

(շարունակելի)

Ա. Օ.



ՄԵՂԱՆՁՈՒՄՆԵՐԻ ՀԱՅԱԳՐՈՒԹԵԱՆ ԴԷՄ

(1910 թ. թերթերից).

Նոր լեզուի մշակութեան զաղափարն է՝ որբան կարելի է շատ եւ առաւել մեծ քաղմութեան հասկանալի կերպով խօսել:

Մ. Նալբանդեանց.

Լեզուն զեղեցիկ ըլլալու համար պէտք է ըլլայ պարզ Լեզուն պարզ կրլայ՝ երբ... զաղափարի մը՝ զոր ամեն մարդ ունի իրի մը, զոր ամեն մարդ կճանչնա, զոր ծողումեան մը՝ զոր ամեն մարդ կկրէ, կարուի այն անունը, զոր ամեն մարդ կուտայ:

Հ. Ն. Անդրիկեան.

Պարբերական թերթ կամ թերթեր կարգացողներն, անշուշտ միակերպ չեն վերաբերում գործին: Ոմանք կարգում են՝ իմանալու կեանքի անցուղարձերը, ոմանք՝ նորոյթներ իմանալը և այլն: Շատ հաւանական է, սակայն, որ այդ բոլորի հետ միասին դասուեն կարգացողներ, որոնք առանձին ուշք չեն տալիս գարծնելիս այլ և յօդուածի ձևի, լեզուի հայացիութեան և իմաստի պարզութեան վրա:

Ես, գոնէ, մէկն եմ այդ վերջիններեցի և ուզեմ շուտեմ, ուշք եմ դարձնում գրութեան այդ կողմի վրա էլ: Աւելին կասեմ. ոչ-հայ ձևերն ու անկանոնութիւններն ուղղակի ծաղում են աչքերս: Այդպիսի դէպքերում, ըստ կարգացած մի կողմի է մնում, իսկ գրութեան որևէ օտարալի ձև կամ բան՝ ուղղակի կլանում է բոլոր ուշքս:

Ու ես մտածում եմ . . . եթէ ես ու ինձպէսներն էլ ուրիշ շատ անտարբերների պէս ձեռքներս ծալենք ու բաւականանանք միայն դիտելով լեզուական աւերումները, հայ լեզուի վերջն ինչ է լինելու:

Եւ այս ասում եմ միայն պարբերական թերթերի վերաբերմամբ. իսկ այն կողմը կան ոչ-պարբերական գրուածքներ՝ ահագին քանակութեամբ գրքեր . . .

Այս պատճառով ես մտածեցի՝ հրապարակ հանել հայագրութեան դէմ կատարուող մեղանշումները, որոնք աչքի են ընկնում այս կամ այն պարբերական թերթում:

Բայց առաջուց պէտք է ասեմ, որ այս քայլն անելով, ես ամենեւին յաւանքութիւն չունեմ՝ այս մասում ինձ անսխալական ենթադրելու:

I Դժուարամարս ոճեր:

«Թատրոն եւ երաժշտութիւն» №№ 1-2.-1) . . . նա զանազան ժամանակ երեւան է եկել «Евгений Онегинъ», «Фаустъ», «Пиковая дама», «Карменъ», «Демонъ», «Вертеръ», «Паяцы» և այլ օպերաներում (* *):

Կարելի էր գրել՝ . . . նա զանազան ժամանակ երեւան է եկել հետեւեալ օպերաներում՝ «Евгений Онегинъ», «Фаустъ»...

«Մշակ» № 43-2) Յանձնաժողովն միայն երկու տեղից չէ կտրողացել ստանալ մանրամասն հաշիւ, այն է՝ Հին-Նախիջևանի նախկին յաջորդ թովմա վարդապետին և Քարվանսարա-Ղաղախ-Շամշադին ճիւղերին ուղարկուած գումարները գործադրութեան մասին (Կարեգին արքեպիսկոպոս, Ա. Մելիք-Աղատեանց):

Յանձնաժողովն չէ կտրողացել ստանալ մանրամասն հաշիւ միայն երկու տեղից, այն է՝ Հին-Նախիջևանի նախկին յաջորդ թովմա վարդապետից և Քարվանսարա-Ղաղախ-Շամշադին ճիւղից՝ նրանց ուղարկուած գումարների գործադրութեան մասին:

«Հորիզոն» № 58.-3) Ժողովն ընտրել է մի ենթամասնաժողով, որ կազմուած է ն. Աբէլեանից, Ի. Լիսիցեանից, Ինժինէր Տէր-Սարգսեանից, Մ. Զարարից և ուրիշներից (խմբագրութիւն):

Ժողովն ընտրել է մի ենթամասնաժողով, հետեւեալ անձերից՝ ն. Աբէլեան, Ի. Լիսիցեան . . . և ուրիշներ:

«Մշակ» № 69.-4) Կովկասի փոխարքան հնարաւոր դատաւիտել զինուորական դատարանի դատավճիռք . . . այսպէս.

առաջին երկուսին 15, ժիրգուլեվին՝ 10, Մամուլեանին՝ 8 և Բօդեանսկին 6 տարով (խմբ.):

• • այսպէս. առաջին երկուսին 15 տարով, ժիրգուլեվին՝ 10, Մամուլեանին՝ 8 և Բօդեանսկին՝ 6:

«Արարա» № 2.-5) • • ուր դասընթացքն աւարտելուց յետոյ սարկաւագ և 1886 թուին էլ վարդապետ է ձեռնադրուել • • (խմբ.):

• • ուր դասընթացքն աւարտելուց յետոյ ձեռնադրուել է սարկաւագ և 1886 թուին էլ վարդապետ • •

«Մշակ» № № 70.-6) • • սրոնց հետ մենք էլ ճգնում էինք • • Բեթհովէնի ինն հրաշալիքներից եօթներորդ սիմֆօնեան կամ երկրորդ սիմֆօնիայի allegretto-ն և կամ գէթ մեզ վրա լաւ տպաւորութիւն թողած ջութակահար Դ. Դալթեանի «Հայու հոգին» վերարտադրել մեր երեւակայութեան մէջ • • (Ընշադուրկ):

• • սրոնց հետ մենք էլ ճգնում էինք վերարտադրել մեր երեւակայութեան մէջ • • Թեթհովէնի ինն հրաշալիքներից • • «Հայու հոգին»:

«Մշակ» № 99.-7) Այս բոլորը մենք չէինք պատմի մեր ընթերցողներին, եթէ մեր յիշուած թղթակիցը ինքը չէր դնի այդ հարցը հրապարակի վրա և չէր յայտնի • • (Ա. Բ.):

• • եթէ մեր յիշուած թղթակիցն ինքը չդնէր այդ հարցը • • և չհայտնէր • •

II Ռուսական ոճեր:

«Մշակ» № 50.-8) Նրա (Զարեհի) արձանը • • ներկայացնում է մի կնոջ • • և սեղմած ունի • • մի հերարձակ աղջկայ (խմբ.):

• • ներկայացնում է մի կին • • և սեղմած ունի մի • • աղջիկ:

«Մշակ» № 35.-9) • • Սօլօւակը խիստ ամբարտաւանացել և ստորացել է, որպէսզի նա արժանի լինի մեր գուրգուրանքներին • • (*):

• • Սօլօւակն այն աստիճան ամբարտաւանացել և ստորացել է, որ արժանի չէ մեր գուրգուրանքներին:

«Մշակ» № 26.-10) • • Բաժանելով • • թերթի կարծիքները • • (Յ. Գասպարեան):

• • միանալով • • թերթի կարծիքներին. կամ համաձայն լինելով • • կարծիքներին:

«Մշակ» № 120.-11) • • այդպիսի տարբեր նշանակութեամբ

բառերը միօրինակ ձևով կը գրուեն (ինչպէս այժմ շատերից գրուում են . .) (Ստ. Մալխասեանց):

. . . ինչպէս այժմ շատերը գրում են . . . կամ շատ շատերի կողմից գրվում են . . .

«Հորիզոն» № 70.-12) Դպրոցներում անշուշտ ոխալա-
գրութիւններ շատ կլինեն, այն էլ ոչ միայն «ւ»-ի պատ-
ճառով (I.):

. . . այն էլ ոչ միայն «ւ»-ի պատճառով, այլ և . . .

«Հորիզոն» № 74.-13) Եւ այս դրութիւնը պաշտպանում
են ոչ միայն մարդկային մտքի լաւագոյն ներկայացուցիչները (I.):

. . . ոչ միայն մարդկային մտքի լաւագոյն ներկայացու-
ցիչները, այլ և . . .

կամ՝ միայն մարդկային մտքի լաւագոյն ներկայացու-
ցիչները չեն, որ պաշտպանում են այս դրութիւնը:

«Մշակ» № 78.-14) Պատարագը . . . դատարկ է ժողովրդից
(Սալ-Ման):

Պատարագն անվում է առանց ժողովրդի: Կամ՝ պատա-
րագին ժողովուրդ չի երևում:

III Զանձրալի լեզու:

«Մշակ» № 96.-15) առ այժմ . . . որոշուեց, որ վարչու-
թեան բոլոր անգամները ոչ մի վարձատրութիւն չունենան . . .
այլ հիմնարկութիւնը ղետեղել դումայի սենեակներէց մէկում,
որը . . . յատկացրեց բանկային պարագմունքների համար,
որոնք տեղի կունենան . . . կիրակի օրերը, որոնք գրեթէ չեն
խանգարում պարագմունքներին (Ս. Ե. Ա.):

«Մշակ» № 64.-16) Շատ անգամ է պատահում, որ այդ-
պիսի թղթակիցը, ինքը զբաղուած լինելով, հնարաւորութիւն
չէ ունենում անձամբ ականատես լինելու որևէ դէպքի, բայց
որովհետև այդ դէպքը հասարակական նշանակութիւն է ունե-
նում և ինքը թղթակիցը կարևոր է համարում ծանօթացնե-
լու նրա հետ իր լրագրի ընթերցողներին, ստիպուած է գրելու
դէպքի մասին կողմնակի փատահելի անձնաւորութիւնների պատ-
մածների հիման վրա, և պատահում են դէպքեր, երբ նայն իսկ
այդ փատահելի անձնաւորութիւնները ի չարն են գործ դնում
թղթակցի հաւատը, խեղաթիւրում կերպով պատմում նրան
դէպքի մասին, ի վերջոյ՝ թղթակցութիւնը տպագրուելուց յե-
տոյ միայն պարզվում է, որ թղթակիցը խաբուած է եղել, ու
ստիպուած է լինում ինքը հերքելու իր գրածը և ներողութիւն
խնդրելու վերաւորում անձնաւորութիւնից, ինչպէս վերջերս
պատահել էր «Մշակի» Բագուի թղթակիցներից մէկի՝ Գարա-
գաշի հետ (Վ. Դիմաքսեան):

Է. Բ. Ն.